



25. oktobari 2022

UKA2022/131

Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu allaaqutit ilumut naammaginartumik isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimat periutsinik inerriartortitsisoqarsinnaaneranik periarfissaqarnersoq ersarissaasoqarnissaa anguniarlugu Naalakkersuisut Rigsmyndighed attaveqarfingissagaa pillugu Inatsisartut aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit).

Uani Anna Wangenheimip saqqummiussaanut ima Siumumit oqaaseqarfingissavarput.

Uani naalagaaffeqatigiinnerup aqqani suliad immikkoortinneqarnissaat pisariaqartutut Siumup ima isigivaa, nalunangitsumik uagut aamma Naalagaaffeqatigiinnerup aqqani suliassaqartugut.

Danskit naalakkersuisuisa misissuisimancerat uani immikkut eqqaasassaavoq, suliad assigiinnngitsut saqqummiunneqarput siornatigut pisimasut, soorlu naartunaveersaatit pillugit Danskit naalagaaffiata suliarisimasaat aamma ilaatigut taaneqarluni nunaqatigut ataataqanngitsutut taaneqartut aallaat angullugit.

Uani eqqartorneqartumi malunnarsivoq, danskit naalagaaffiata inuttat nutserarsimasut Kalaaleqatigut nammattumik kisitsisaatigineqanngitsut pineqarlutik. Ilaatigut eqqaaneqartarluni inuit aamma Kalaalliniq imminut taagulersimasut allaat danskiusut, kisianni Kalaallit Nunatsinni inunngorsimancerat pillugu inuiannut allanut sanilliullugit erseqqisumik maannamut immikkoortillugit isiginiarneqartarsimannngitsut. Sumiiffissalerneqanngitsut ilaatigut eqqartorneqartut.

Siumut isumaqarpoq naalagaaffeqatigiinnermi suliad torersumik ingerlanneqassasut. Folketingip akissussaaffii aamma Naalakkersuisut akissussaaffii immikkoortinneqassasut Siumut isumaqarpoq. Tamanna isumaqanngilaq suleqatiginneq pisariaqartoq pissangitsoq.

Nunatut tamatta – naalagaaffiup ataatsip iluani suli inissisimaluarluta – immikkut Inatsisartoqarlatalu suliassaqarpugut. Tunngaviusumillu Siumut isumaqarpoq, una pineqartoq Folketingi aqqutigalugu naammassineqarluni suliarineqartariaqartoq. Tassanilu Siumut aqqutissiueqataassalluni pisarnermisut piareersimavoq.

Kalaaleqativut pineqarput, kalaaleqativullu sumiikkaluarpataluunniit illersussallugit tamatta pisussaaffeqarput akisusaqataallatalu. Qularnangilaq Danmarkimi inatsisit kalaaleqatitsinnut tunngasut amigartumik suliarineqarsimasut, aamma kalaallit Danmarkimi ikinnerussuteqartutut inissisimanerat naammattumik eqqumaffigineqarsimannngitsoq. Suliassallu qiterpiaa tassaniittoq Siumut isumaqarpoq.

Taamak oqaaseqarluta Naalakkersuisut allannguutissatut siunnersuutaat Siumumit ilaleratsigut oqaatigissavarput.

Dines Mikaelson, Siumut.